

nai 3:20 vel in hing pan khie kie in Lamka nitah lam nai 5:00 vel in kang tung ta uhi. Bus pen ZPCS Office mai a kinga in Rev. Stephen Chinzathang (Sr. Executive Secretary) in thumna kipah thugenna anei a, tua zou in Ah bang in kouma inn leh giehna ding chiet zuon in kakikhenta uhi.

Khawmpi a kizahdan tangpite:

- Khawmpi thupi: Endure, and reign with Him. (II Timothy 2:12).
- Rev. Zosangliana Colney in keynote address thugenna anei hi.
- Rev. W.C. Khongwir, Rev. Dr. Vanlalngaka, Rev. Lalramliana Pachuau te'n Khawmpi thupi gen in pang uhi.
- Rev. Dr. LS Khawbung in Lamkai thate Installation bawl a, tua leh Mangpa Annsieng hawmna zong nei hi.
- Synod 8 apat PYF te'n Report pethei a, Associate 5 lah a, Meitei PYF te chilou adang 4 te'n zong Report pethei uhi.
- Pasion ni zingkal thawlom Rs. 16645 leh Pasion nitah in Rs. 17753 kidong khie hi.
- PYF Leader leh Secretary, 2011-2013

Leader: Rev. Dr. K. Lallawmzuola,
Lecturer-ATC Mizoram

Secretary: Rev. T.T. Diengdoh, KJP
Sepngi.

Khawmpi a ZPYF te kizah dan:


- ZPYF, Zou Synod Khanglai te'n

Lapawl 2 ava ki present thei hi. Pasion ni zingkal leh nitah in sapham leh eiham in vakisa hi.

- Kiginni nitah Biehin kai zou in Cultural night Programme a um a, ZPYF te'n pupa lam ban a Khanglai lam (Choreography) show va kibawl hi.
- Pasion ni zan Bieh kikhop zouin Musical night Programme um a, tuanah ei ZPYF apat in Pu Khupsianlal in la Solo khat Present in mizousie thalopsah in alam diemdiem uhi.
- Kiginni Sun in P/P Kaimuanlal Secretary, ZPYF in Report piena nei hi.
- P/P Kaimuanlal leh Tv. Mangzalal te PYF Central Committee member leh Publication member dingin guon in um hi.

Chanmari Hattuumte pan lahdan:

- Khawmpi waitun ding ahi ziehun Committee tuomtuom 10 tah aphut khie uhi.
- Khawmpi waitunna in Kiginni nitah ann special in annkuong lui uhi.
- Khawmpi hawte side seeing na dingin bus 5 thokhie uhi.
- Kikhop top teng in singpi leh nehthei a hawm zou gige uhi.
- Khawmpi natoh kisai in Chanmari hattuum te'n Sum Rs. 3,37,000/- seng uhi.
- Khawmpi delegates mi 418 a pha hi. Mangpa'n thupina tang taken.



Mangpa Jesu Khrist min hoitah toh Khristian Tangkou simtu zousie chibai hoitah ka hing buh hi.

Palm Sunday, Good Friday leh Easter Sunday lawchingtah in i hunte uh i zang zouta uhi. Pa Pasion mapuina toh Aman ahing mapui chi i thei un zong Pasion kung ah nuom thu i tun sawnsawn uhi. Khovel dah koikoi lei Lai siengthou in ana gen mabang in Pasion hun anai dan a kilangta hi. Japan gam a zilling leh Tuipi kifon in mite hinna tamtah alata hi. Tuachi bang ma in zong Lai siengthou a i mu bang un hun nukhiate a khawvel a dingta chi zong manghil sih va ui. Tua ahi lai in Pasion gam a nai mama dieh in zong i thei ding uhi.

Pasion mapuina toh Pawlpi in zong malam naw zel in a peitou hi. Tua ahilai in tuni in hattuum nu leh pate leh imi-isa ten i thei ding uh ahileh khovel huilanna ten a Pasion Biehna siengthou leh Jesu sepban sem ding ihi uh i theisiem chiet ding uh kingen in i kichiel sawnsawn hi.

Tami thu igenna uh azieh ahileh Tulai Khristianten Pasion hing i biehna uh i theichietna un a let mama angaita hi.

Khawvel ah vang sakhuo tamtah a um a hinlah sakhuo leh sakhuo na pen khentel ding leh thei tel ding in a poimaw mama hi. Tuaziehin pawlpi mi-leh-sa te zong pilvangtah a ki ziptup a thomgin zousie pen Pasion biehna chinglou ahi chi zong thei ding ahi. Tua ziehin a koi akoi hitalei zong Pasion i gintatna uh a Bible in agen bang in tami leitung a pat i puohdoh thei ding bangma i nei sih, tua Khristiante kinepna thuguh ahileh Van Jerusalem ahi. Tuaziehin khovel sakhuo a huite ziehin Pasion hing leh siengthou nu masa, pa masa dinna i pawlpite ma pibawl in jungpi te thumang in um lei meidil ah hing puilut sam sih va uh.

Khristiante Mangpa Jesu sep ban sem ding a tel khiet te ihi uh chi thei zing va ui.

Mangpa'n hing guoljawl in hing umpi zing taken.

Thu Tuomtuom

* Khovel pumpi a migilou a minthang Muslim Sakhuo zui, New York khopi a innsawngni (World Trade Centre) Lenna ni a phusetu, Osama Bin Laden May 1, 2011 zankhang lai tahn akibutna inn, Pakistante Army Training Centre Abbotabat khopi ah U.S. Comondoten ava kaplum ta uhi. 2001 Sept. 11 America a innsawng suhsiet apat kum 9 leh akimvel tha atupnua uh lawching khongkhong tahi. Tam operation bawl na ah helicopter 4 leh mihing 25 apha uhi. Amitha mawngmawng uh mi 18 ahia, Misi 4 te lah ah azi hi awm tah numei khat zong atel ban ah atapa khat leh atute ni ahi.

United states of America President Barack Obama in zannitah zansawt nua a thuphuon abawl na ah Pakistan gam a zingmawng nai 1:30 vel in US adia “Most-wanted” list a Al-Qaida Chief Osama bin Laden tha in a umta achia, US Army ten Pakistan khopi Islamabad apat Km. 61 a gamla Abbotabad city operation abawl na uah lawching mama chi in agen hi. United states tel a leitung pumpi in a mawpai ua mawna neilou mihing asang asang sim a thattu Osama Bin Laden tung ah Operation bawl in um a, ama zong kaplup in a um tahi. US in bang chih lai pou in Islamte a tuom bawl ngai sie, maban ah zong atuom koi ngai sih ding chi kawm in Barack Obama in Bin Laden kichi Muslim lamkai hilou in, ama khutlum in Muslim mi tam tah in ahinna ataan

law ta uh, achi hi.

Osama Bibin Laden Shidan kisai thei huoite:

- * US President Barack Obama in April 29, 2011 in Osama tha theina ‘Death warrant’ ah suoi kaita hi. President in Alabama azotma deu in April 29, zinglam nai 8:20am in Diplomatic Room sung ah Osama tung a Secret Operation nei khum thei ding in ‘Final go ahead’ Pekhia a, tua toh kizawh in US Special trained Commando ten nasep apan pan uhi.
- * Osama thana Heliborne Operation ah US Navy Seals (ahighly trained commando operation) te lamkaina ahia, Afghanistan a US air base apat helicopter 4(li) akuon uhi.
- * Special forces te vanleng apat khau in akikhai khia ua, Osama tenna ‘Mansion’ umkual in minute 40 hun sung ala uhi. Osama leh ama vengbittute toh nasatah in akikap tua ua, Osama tal tang ah thau tang lut achi ua, Pasal 3 leh numei dang khat zong ashi a, numei nu pen Osama in ama ki humbitna dia ‘nuam shield’ azah ahi.
- * Osama tenna mun Pakistani Military academy apat 100 yards maimai a gamla ahia, innsawng 2 nei ah ateng hi. Abbottabad khomite gendan in, pakistan time dungzui in zingmawng nai 1:15 chet vel in operation ahing kipan uhi, achi uhi. Mite imut tui hun laitah china ahi (Taken from the Manipur Express issue May 3, 2011).

ZPYF Column

P.Y.F.KhawmpReport

*P/P Lao,iam;a;
Secretary, ZPYF*
.....

PYF (PCI) 19th Biennial Conference khu date, 29th-April-1st May, 2011 sung in Presbyterian Church Chanmari, Aizawl a Pasian mapuina toh lawchingtah in kizang zou tahi.

Date 28th April, 2011 zinglam nai 6:30am in ZPCS Office Compound mai ah, Rev. Stephen Chinzathang Sr. Executive Secretary in thumna anei zou in, i Synod sung a Nungah, Tangval Khanglai mi 30 vai kilawptah in Khawmpi mun ding Chanmari Aizawl lam manaw in, Lamka ka nuasie ta uhi. Hun bangtan e khat akipei nua in sun lam nai 11:30 in Tuima ka tung ua, Tuami mun ah zing ann ka neh pan uhi. Zing ann neh zou nai 12:30 vel ding in taitah in malam kinaw zel tahi. Tuabang a mailam akinaw zel lai in zan lam 11:00pm in kawlkulh (Mizoram) khuo khat ki tung a tua mi mun a nitah ann ka neh uhi. Ann neh zou in kang kipan khie kie ua, zinglam nai 2:00am in keifang khuo kang tung ua, Bus sung a ka gie den uhi. Zingmawng matah nai 5:00 vel ding in kang kipan khie kie ua, Chanmari Aizawl khawpi nai 10:00 in katung suh uhi.

Tuachin ni(2) sung vingveng Khawmpi akiman zou in date 2nd May 2011 (Monday) Aizawl khawpi apat in Lamka lam zuon in ka ki pan khie kie ta ua, Thumna muol kang

tun un Rev. P.C. Mang i/c Youth in thumna nei in, Manlang in Innlam kang nawta uhi. Sawtkuom tah ang kitai nua in, nitah lam nai 4:30pm vel in Keifang a singpi kangdawn ua, Zan lam nai 10:00pm in Khawdungsei khuo kang tung ua, tuami mun a nitah ann kang neh uhi. Ann neh zou in hing kipan khie zel in zan nai 12:20 vel in Tuivai lei, Manipur leh Mizoram Border kang tung ua, Tuami mun a Bus sung a kang zan gie den uhi. Zingmawng matah nai 4:12 vel ding in kang kipat khie uleh Guo leh Huipi kithuo in azau huoi mama a, Lamkal a kum zel in Bus sawn zel nan u leng, Pasian mapui nato Sinzawl khuo kang tung thei hamham ua, singpi dawn in, mailam kang naw zel uhi. Nitah lam nai 1:15vel in Tuima kang tung ua, tuami mun a zing ann kang neh uhi. Ame uisa ana hi vanglah hi. Ann neh zou zou in inn kinaw zel in Singngat nitahlam nai 3:00 in kang tung thei ta uhi. Tuomi mun a P/P Khamminlian in thumna kipah thugenna anei a, Tangpijol Khanglaite a kum ta uhi. Singngat apat

a um sih hi. I sep khat zat pen i ngimna (goal) apat nua et kia thei pan ahi.

4) Lungtang theh sah tinten:

Thusinna ka zahna apan kalungtheh tinten khat a um hi. Mihing khat ihinna abulpi (Foundation) pen siemsinna sang in (School) apat ahi. Tua ahiman in i School te ah Psychologistahiloulehcoucellor inei lou pen ka lungsim sung ah hing thasuoh mama hi. Pawlpi sung ah lamkate, innkuon sung ah nuleh paten zong inaupangte kepdan leh pahtat na chang etkia huoi hun chi khat um ding in ka gingta hi.

Kum 2010 sung in i Lamka khosung sang inn 4 apat naupang 96 kaikhawm in

thudohna ka bawl khat a um hi. Ka mukhiat tampite lah apan ahileh i sangnaupangte self-esteem (leilehe iikingaituodan) a ngiam mama mawh hi. Anina ah Pasalte apat in a chievement motivation (Lawchin nopna thanopna) angiam mama hi. Hite toh kangaituo khawm chieng in i school te ah zong counsellor kichien khat chiet inei hun ta, chin ka lungsim ah ka ngaituo hi.

I mipite a itna leh a khuol seng na zieh a hing kalsuon, thumanpha manpha tampi hing gen sah Dr. Chindokham leh a lawmte tung ah i kipah mama hi. Ama uhte deisahna banga piching ding in Mangpan hing guolzawl chiet taken, Amen.

Koipou, uleh nau zouta damlou hitan a Imphal a Hospital hing zuan leh inn pansan a hing um na up khah uleh kei Rev. Zamlianpao, Imphal District Pastor, ZPCS, Sana Keithel ah ka um hi. Koupou in ave khe ding in ka hing theisah hi. Ka Phone Number tam aneya bang ahi.

+91-9402660754

KhanglailehKoppisuidan

- Rev. Hangpi Manlun

Mihing khat apieng ihileh zi/pasal nei hun chieng a inei ding khu Pasian hing siemsan leh i um ding dan uh ahi hi. Ahin, pichin nua a khat vei beh tambang hinkhuo neitheilouna khu mibahlouna amaw, damlouna jieh ahithehi hi. Ahin, akhente lah val sengseng in gam teng leiteng tang sui a sui a,a sukalu sieng ahisih leh Khristmass bong sui a gam teng leiteng sui ding china vang ahisam sih hi. Pasal khat jong ji mujou mama lou in, “Apa kung a pa ka jinei ni ding ni fix phot pouma ni imujou leh lah i postpon na keh” chi vot hi. Tuajieh in kopi ding isuiding chieng au pilvang ding ahi hi.

Tualeh zi leh pasal ding pen Pasian kung a jong i thum a nget jing dign uh a hi. Dr. Billy Graham kung a min Khristian Innkuon khu bang hun a pat ding e, chia adoh chieng un aman, “zi/pasal nei masang kum thum vela pat ding” achi hi. Tuajieh in damsung a kopi ding isuiding chieng un pilvang tah in isui ding uhi.

1. Pasian in a pan hi. Pasian in khawvel leh asung a siljousie asiem jou in a en a hoi asa

mama a; ahin asilsiemte lah ama in hoilou chia a gen masah pen khu pasal ama tang a aum khu ahi. (Gen.2:18). Mr. Miltonin, “Bible a Pasian in hoilou chia agen masah pen khu pasal amatang a um ding ahi” achi hi. Tualeh Pasian in ami siem masahte kung ah “hing pung unla khawvel hing lua dim un” chi in agualjawl hi. (Gen.1:28). Tuajieh in, kopi hoitah nei a hah-le-suon nei ding khu Pasian deidan ahi chi a chieng hi.

2. Thawmhauna. Judate Rabbi khat in, “Pasal in anahgu khat amansah akipan in a um maimai theisih a, tuabang ma in numei jong aumna ding mun atun masang in a um maimai thei tuomsih” a chi hi. Tuajieh in khatvei beh dam sung a ji/pasal ding a lungkham lou chi pen mibahlouna leh damthei louna jieh

ahithe i a, tuabang mite khu akinlam Doctor ki-etsah pai ding ahi avai gei masang in. Tualeh America Council of Life Insurancete suidan in America a mi thawmhau penpente khu College a zillaite ahi uh achi hi.

Tualeh koppiding zi/pasal suiding ten isuiding dan uh Sapten “B” li (4) leh eiham ‘B’ khat a poimaw tahtah agente uh i en ding ua tuate khu:

1. Background (Kipatna/pienna) Tamkhu ipienkhiehna, khan letna leh hahtute tan a etchet ding ahi hi. Masang lai-in ipu ipaten jong tamkhu angai khoh mama ua, hahtute apat mi toh kituohlou, damlouna kilawtheinei, (T.B, khantom, sienglou, tulai a HIV&AIDS etc) ngaituana chinglou leh adangdangte khu ana enchien un ana nual uhi. Tamte khu tulai lungtang lam sui (Psychologist) leh itenna mun-le-kim leh pam sui mi (Enviromentalists) ten jong angai khoh mama uhi.

2). Brain. (Huoh/lungsim) lam: Mihing tahsa piching thoungal, ahin lungsim lam a piching lou leh hoilou leh sienglou mi atam hi.

Milungsim koi mi toh kituohlou leh hoilou zong etchet dign ahi hi.

3). Belief. (Ginna) kibahpi: Khanglai nungah/tangval kopi suidingte gindan kiabahpi leh mipiengthate ma sui ding ahi hi. Tualeh kiten nua chieng in kisiempaha ding chite vel kilam etlvotlou ding ahi. Thamlou in khamthei ching leh nete ji/pasal asuilou kei ding ahi. Tambang mite kitenpina khu ahunlou a meithaina leh ji leh ta ahunlou a sunna ding china hi hi.

Tuaban ah, Khristian nungah/tangvalte ading in zi/pasal ding a gingou mi neilou ding ahi. Ajieh pen doctrine leh gin dan kibangloutaluo mite akiteng chiegn un anua in buaina leh kituohlouna atun thei hi hi. Thamlouin, tuaban ah gindan kibahpi lou adieh in kol leh vaite bang kitenpi lou ahoi dieh hi. Ajieh ahileh Bible in, “Kituohloupi’n ginglou mi toh hahkol puokhawm sih un” achi hi. (11.Kor.6:14).

4). Bil a suiding ahi. Tulai ikoppi ding isui chieng un amel hoi leh duang chingte i en masa uhi. Ahin, ikoppi ding pen ibil un isuimasa ding ua, tuami umzie ahileh ahin

chiet in thumanpha tampi kiza ahiziehin anop mama hi. Nitah nai 6pm in mipi kikhopna umkia a, Dr. Michael Gabbert leh Dr. Chindokham ma in hunpi zang in Pasian thugenna anei uhi.

Seminar apat katheibe thu khenkhatte:

Abeisa March 29,2011 in Dr. Chindokham leh alawiten Hiangtam Lamka EBCC Biehinn a nikhat Seminar ahing neipi uhi. Thupi pen “Reaching your maximum Potential” ahi. Tam Seminar apat keima mimal ngaituona hing lang neu khat ka hing gen ut hi.

1) Mihing piendan leh Pasian thu:

Thu khat phot phot ah mihing piendan (Human nature) theiloupi in kissinsah lei atam zaw akilaw sam ding hi. Mihingte ipiendan atuom chiet ahi vang in mikhenkhat in i nei mizie kipahtheina, da theina, thanuam theina i nei uhi. Dr. Chindokham leh Sye Zousiankhual ten (Dr. Michael Galbert) siem tah in ahing gawm khawm ua, lamdang ka sa hi. Mihing ihi na lah paikhieh

theilou, Pasian thu zong paikhieh theilou Gawmkhawm ding ma ahi, chi kangaidan ahi, achi hi.

2) A tuom ngiet sese ihi:

Leitung mihing hizatpi lah ah akibang apieng khat beh a um sih hi. India mihing zong 1.2 Billion bang a val ta hi. Tua ahizieh in mihing a tuom chiet a siem ihi bang in a tuomtuom chiet masemding in ahing dei hi. A kibang chet mini bang umleh khat zaw sang um a poimaw sih ding hi. ‘Nang’ pen ‘nang’ ma ding a siem nahi. Midang na phe i hi ut leh na lung ke ding hi. I hina bangbang Pasian hing pieh ahi, chi a ipom siem ding uhi. I hina bangbang toh lungkim a isep khieh photphot Pasian ipieh thei uh ahi.

3) Thu mu kholna/ma mu theina:

Mukholna aki tah sap dan nasa tah in ka gel doh hi. Ngimna leh lunggelna hoitah toh kikal suon ding uh ahi. Mimal hi in pawlpi hitaleh heilam zuon a pei ihiai chi i thei ding uh ahi. Na sem sem napi in sepkhieh mel um lou chi pen a meaning

Onedayseminarwith Dr. Chindoukham

- Rev. Kamkhosoi,
Zou Synod Office

A masa in Zou Synod hing guotna bang a nimit 29 march, 2011 EBCC Upper Lamka a kava pan thei ziehin ka kipah hi.

Rev. Dr. Chindokham D.Min., Ph.D. President, Global outreach and Community Development Inc., USA leh a team ten India gam mun tuomtuom Delhi, Bangalore, Shillong, Guwahati leh Aizawl a Zomi umte kung ah hun zahna anei nua un nimit 28 March, 2011 nitah nai 7:00 hun vel in Lamka hing tung uhi. Lamka ahing tun nitah ma in Hotel Venus ah One Day Seminar with Dr. Chindokham Convenor vaihawm siemna zieh in Lamka khosung a makai tuomtuom lawikhat leh Pressmen hunchikhat toh kithuo khomna leh annkuong immkhawmna anei uhi.

Dr. Chindokham ahileh tulai tah in USA Zomi Innkuon President hina leh

leitung pumpi a Zomi Innkuon a President zong ahi. Tuaban ah ama Mangpa leh ami pite a ding a na thupitah semkhie ahi zieh in “Hawmsiem zuapa” min hoina 13-07-2009 in ana kiphuoh khum ta hi. Tutung in Dr. Michael Gabbert Ph.D (Dr. Zosuankhual) Southern Baptist Pastor leh Dr. Chindokham sanggampa Sye H. Vumzanang President, Zogam Rural Development Programme leh ETC Trio ten ahing kithuopi uhi.

March 29, 2011 in zingmawng ni 9:30am apan 4:30pm tan EBCC biehinn Hiangtam Lamka ah “Reaching your Maximum Potential” chi thupi zang in Seminar aki nei hi. Tam hun ah Biehinn dim let in mipi ahing peikhawm ua, koipou in nop kisa

dan leh gamtat dan atheimite kung a doh chien masah ding china ahi. Adieh in hattuom lamkaite (Pastor leh Upa) leh mi muon huaite doh a, ama un ang lungkimpi nah uh leh ahoi tangpi ding hi. Ahin, palai gin umlou najah khah leh ama di ana hei dai ding hi.

Ahin tulai nungah tangval khen khatte khu zu mun, samun lah pou leh conference lah a khat vei kimu a kiteng pai bang itam ua, tuate khu asot dai thei sih hi. Tualai jan khat kiteng, kal khat kiteng chibang igam buaipei natna khat ahita hi. Pastorte ading a bang a buaihuai mama khat ahileh, anakitheng uh inosua masang ana kikhen man chilah beilou adahuai mama hi.

5). Beautiful/Handsome. Melhoi: Koppi ding suidingten izi/pasal ding isui ding chieng un tamnah ipan ua, ahin amasa lite khu apoimaw masa dingte ahijaw uhi. Tamna igensate, background, brain, belief, bil asuding chite masah jou chieng un tamna beautiful or handsome ah itusuhpan ding uhi. Tualeh kiten masang a jong mel leh puom ajong lungkim sam ding ahi ahisih leh kinin na leh kimudapaina

ajong atung thei veve hi.

Tualeh akhente in lah ahausah jiehang bang leh ala siem jiehang bang akitenpi moh chibang um thei a, tuabang jong bawllou ding ahoi hi.

Tualeh kopi ding isuiding chieng ua, aku-le-poimaw mamate khu:

a). Sipdede ding: Adam in ajiding asulai in Pasian mai/ang sung ah siptah in a ihmu chi ithei uhi. (Gen.2:21-24). Missionary Jim Elotin, “Mangpa deina mun a ih mu(khawl)” achibang in. Pasian kung ah theitopsua in izi/ding pasal ding ngen in siptah in thum in um lei aman ikul-le-poimaw theilou mama ahichieng in ahun tah in ang pia na ding hi. Eiten, Pasian jia kingah joulou a, kiphelep lom a, mikhat in khawvel mingah lah lah ah Pasian ngah hamsa sa pen ing achi bang a, ama jie ingahjou lu chieng in ibuailothei uhi. Tualeh ithumna pen Pasian in chithum in hing dawng/sang jing a, (a), Ing, achipai pol,(2).wait, na ngah phot in leh (3) No, ih achipawl aum a, tamte theikhieh ding ahi.

Tuaban ah Isak in aji ding asulai in lungluttah in apa nna gin-umtah in asem a, apan akul-

le-poimaw thei ahichieng in ahun tah in asuohpa Eleazar khu solin Rebeka khu avapui mai hi. Pasian jia ngahjou a gin umtaha Pasian nnasemte khu atop ah lawching teitei uhi.

Tualeh isuiding mite

1). Na kikipi sui in. (a). Kumthu ah- Numei pasal nei hun akigen tangpi khu kum 20-26 or 30 kikal deu ahi. Tualeh pasal pen kum 26-35 or 40 kikalte ahideu uhi. Ahin tualai siemna pilna leh khantouna tuomtuomte jie in zi/pasal nei ha/vai gei jong akhoh khol sih hi.

Tualeh kum kikhiet luat khu ahoi sih hi. Adieh in nuemei khu pasal sang anau pang joh hamham ding ahi. Tualeh kum ikikhieh luat chieng un anua ah buaina atun law thei hi.

Numei pasal sang aupat jawh chieng in pasal in nu bawl in abawlthei a, pasal aupat luot jawh chieng in lah pa/ pu bawl in abawl kia thei uhi. Nupa pen lawm bawl akibawl ding ahi hi. Nupa khat aji kum 9 chau a pasal sang aupa jaw in apasal pen khawtai thei jel jela, jong ging lel thei jel hi.

2). Siemna piln ah. Siemna pilna ah jong kikumthei leh ahoimama ding hi. South India ami khat in America ah Scientist research Centre ah Ph.D ajou hi. Ji mawltah khat anei kha a, aman niteng in siltha tha mu khia jel a, tuachiin asiltha mute aji kung ah agen jeljel a, aji in angaina thei lou in angaisah sih a ama siltha mukhieh te tuni in “Ih ahpi opve aw, ivatotnou keute “ chibang pou in ana dong jel hi. Angaidan uh kibanglou lua ahichieng in apasal khu lungkham in ashilo vot akichi hi.

3). Tahsa leht dan thu ah. Atangpi in Pasal khu numei sang a alet jawh ding khu duthusam ahi hi. Pasal sang anumei alet joh chieng in aguh in musitna anei nuom a, apasal in atheikhieh chieng in amanu sang a hatjaw hi leh silbawlthei hi na a sualng utna-in, tha gum leh gam tat (Violence) in suhlat asom jelel hi. Thamlouin, numeiten apasalte uh mau uh sang siemna pilna sang jaw leh silbawlthei hi le uh aut jaw uhi.

4). Nam kibang hithei leh. Nam tuomta lua leh ham-le-pau kibanglouta lua akiten khah chieng un, aguh in buaina atun law thei hi. Ahin tambang a Nam tuom pasal

ZPWF Column

**Zou Presbyterian women fellowship
Kum 2011 sung tuunnu limbel a anntang tuoh diing dan**

January

- 1. Hiangtam (K)
- 2. Suongkuong
- 3. Zoukhonuum
- 4. Muvanlai khuo
- 5. Tangpijol
- 6. Hiangtamjang
- 7. Buolkot
- 8. Tonjang

February

- 1. Behiangtung
- 2. Tuimanjang
- 3. Mawngken
- 4. Suohzahaukhuo
- 5. Maukot
- 6. Munpi
- 7. Buhsau
- 8. Belpuon
- 9. Hiangmuol

March

- 1. Muallum
- 2. T. Khajang
- 3. Daijang
- 4. Bohlui
- 5. Tuaitengphai
- 6. Hiangdung

7. Zoumun

- 8. V. Bethel
- 9. Mualtam

April

- 1. Tuinuphai
- 2. PN. Khovong
- 3. Tuining
- 4. Zomi Zion
- 5. Sangaikot
- 6. Sugnu
- 7. Kuvan
- 8. Saiboh
- 9. Gangpimual
- 10. P. Salem
- 11. Khaukual
- 12. Teisallang

May

- 1. Behiangjang
- 2. Singngat
- 3. S. Vengnuam

June

- 1. Moreh - MGP
- 2. Moreh - MEP
- 3. Langgol
- 4. Tribal Colony
- 5. Lamphel

6. Paspati

- 7. Mangjing

July

- 1. Lamka District HQ Ch.
- 2. N. Vengnuam

August

- 1. Central Church

September

- 1. Tuibuang
- 2. New Zoveng
- 3. LDCC Hiangzou

October

- 1. Zomi Colony
- 2. Awnchinkap Veng
- 3. D. Phailian

November

- 1. Nungshai
- 2. Aina
- 3. Tuilaphai
- 4. Sabual
- 5. T. Tangnuam

December

- 1. Bangalore
- 2. Shillong

Kipah thu genna

Kou Suohzahau khuo a Solar Project a hing kithua pite tam anuoi a bang ahi.

1)	Pu Dongzalam, Chief of Suohzahau	Rs. 10,000:00
2)	Upa Lamkothawng of Zomi Colony	Rs. 10,000:00
3)	Pu Sanjeev of Shillong	Rs. 2,500:00
4)	Pi Manhoi of Zomi Colony	Rs. 1,500:00
5)	Pi Niangngaiching of Zomi Colony	- Puonlaisan khat
6)	Pi Vungngaiching of Suohzahau khuo	- Puanlaisan khat

Tam atung a te kiphal na zieh in Solar lientah bulb 4 um thei te khat kalei zou thei ua, kakipah sengseng uhi. Pasion in ale tampi in guoljawl chiet taken.

Manggam a na Seppi uh

Tv. Khamkhandou
Secretary
P. Suahzahau Presbyterian Church
Local Church Committee

Upa Khamlienmang
Chairman

nei dingten ithei ding uh ahileh:

(a). Amau hindan tahtah uah na hing theina diai? (2). Aman hing dei leh jong a innkuonpiten ang deitahtah na ding uai? (3). A innkuonpite na lungsiettah theina diai?

(4). Aham apau uh leh a culture uh na jilpei in na siem tahtah na diai? Adieh in numei nam dang neite khun aham apau uh siem a jah khu silhoitah khat ahi.

(5). Zi/Pasal neisa toh kiteng dingte thei dingte: Zi/Pasal dang neisa ahin na kikhen ahisah leh na kidamlousan te toh jong kiteng ding ihileh pilvang tah etchet masah ding a hi. (a) Akitenpi masah pen toh akikhen tahtah na uai? (b). Kumbang jat asawt ana kiteng ta uai? (c) Akikhen nua un bang chiin aum jeljel na lai uai? (d) Bang jieh akikeh ahi uai, Koi dih lou jawh e? Tate aneita uai? Atate khu nata bang in na enkawl tahtah theina diai? Chite kingaitua masah ding ahi. Tuaban ah apasal/ zi in ashisate ahilel bang jieh a shi e, tuali natna nei bang jong hithei ahijieh in pilvan mama ding ahi.

6. Sisan ki-test masah ding ahi.

Tulai natna jau huai HIV/AIDS chite sil jau huai ahitah jieh a ahitheh leh kiten masang aki-test mai jong sia lou maithei hi. Ajieh ahileh tam natna khu kum bang jat ahiai khat ahing kilang ahijeh in. Tam atung a igente uh khu ei khanglai ji-le-pasal sui dingten thei in juithei lei ibawlkhiel sih din g uhi. Mangpan simtute jousie khu ji leh pasal hoi mudingin hingma puita hen chi khu kathumna leh deisahna ahi hi.

Laibu ette:

1. Rev.Hangpi Manlun. Khristian Innkuon nuom, Lamka: Manipur Women Christian Association, 2000.
2. Rev. Pumzathang Tombing, Tuailai leh Koppih Zonna, Lamka: Convention Press, 1989.
3. Chawngliana, Kenneth. Nupa HlimnaThuruk,Aizawl:Exodus Press, 1999.
4. Khristian Thalai Pawl Leadership Training Hand book, 2000.
5. Saibela, K. Nute Lekhabu, Aizawl: Elim Book Works,1989.
6. Sisan ki-test masah ding ahi.

Shina

- *Upa Khupsuankham*

Thumapui: Mihing zousie in i bat lienpen khu shina ahia, tuahziehin tahsa a shina leh hagau a shina khu Pasian kammal ma ahing kipan ahia, sau lou in houlim uh lei ut huoi isa uh (Gen. 2:15-17)

Pasian in na nehni mama in shivateh chin Adam kung ah Pasian in sie-le-pha theina singga a nehlouna ding in thupie hi. Tammi thupieh Adam in apalsan chiengin a shi ahi chin ngaituo ulei mihingte ngaituadan in shi lou in, zau in kibuthei nalai hi. Ahivangin, Pasian mit mu ah ashie ahi. Bangchidan in e? I chileh Pasian mizie leh Adam mizie kibang thei nonlou hi. I leitung ngaina dan in zong inu-ipa ahisih le ita-inaute ashie a um chiengin ei mizie leh tua ashie ichi pen in, ei bawl thei teng bawl thei nonlou ahi ziehin mi shi i chi uhi. Tuaziehin, Pasian in ama batpi bang a naa sem thei nonlou ahi ziehin mishi a chi hi.

Hagau a mi shite in tua Pasian zie pen na thei lou hi. Abeisa hun ah nathuman louna uleh namawnate uh ziehin hagau toh kisai ah ashina hi uh (Ephe. 2:21). Mi koizong hoi kisa in dihtat kisa leh zong a pien thasih leh hagau toh kisai in mishi ahi. Tasah pum nei a hing i hivang in i hagau pen Pasian in a shi chin ana chiemte hi. A shite khun Pasian tapa aw aza uh hing tung ding, tunzong atung ahi ta, Ama aw zapouma ahiing ding uhi (John 5:25).

Tam tahsa a shina zong Pasian kamteng ma a mizousie in ingah uh ahi. "Nang khu lei a siem na hi ziehin lei ma na suo kia ding hi". Achi hi (Gen. 19:2-20). Pasian kamteng pen kinuole nonlou in, Adam apat mihing a piengkhe tapou a shi lou umlou ding, Enok leh Elija chi loungal

kimpi lou a tuong aval a sui teitei leh Pasian anei sih china ahi.

16. Pasian tate leh doimgangpa ki lamdanna khu tami ahi. Koi in zong sil dihang bollou a unau itlou khu Pasian ta ahi sih.
17. Mi hausa khat in mi taga khat amu a alungsim kot akhah veve leh bangchin Pasian ka it hi achi thei diei?
18. Ka u naote aw itna i nei uh khu kamteng leh houlimna bep hi dahan itna dihtah nasep a kilang khu ahiding kisam hi.
19. Ahing siempa jatata siem khu Hinna bulpi ahi.
20. Mi tasam lungietsiem khu Pasian biehnna nam khat ahi
21. Hausatah abuoina tuoh sangin tasamtah a Mangpa jatata dan

siem ahoi zaw hi.

22. Taten pate apat in Pasian lim a mupha hi.
 23. Khrista question siem a exam i bawl chieng in igam tatlou lamlam in Mark apotam nuom hi.
 24. Na bawl ding a ka gen bawl loupi bang ding a Mangpa Mangpa nei chi uh ahie Mangpan achi hi.
 25. Hinkhuonuom na manaw nop a damsawt hamphatna na tan ut leh thusie genlam ah kikem ching in.
 26. Pasian in guoljawlna ang pieh te pen miten Pasian sang a i ngainat jawh uh khu sil poi Gehen lampi ahi
- Pasian in a thugoljawl taken Aban hakia chieng in

Thukigenngaito kham ching

- By Gena, Aina

1. Minthanna sang in Tahsan umna ahoizaw hi.
2. Lampi kot anal bang in ilei zong kam kot a um ahi ziehin i lei a kispua abailam hi.
3. Vannuoi hoizaw bol natup leh nangma telna na innsung leh na lawm lah abawl pan in
4. Tulai hun zahhoi khu shi nung a loupina suongphu bang ahi.
5. Sillientah i sep zou leh sil neunou sepkhamlou kilel a bangma sem lou a um khah jel chizat um tah ahi.
6. Tupna leh utna hatangpia nei a bangma semlou sang in tawmnou khat sep a phatuomzaw hi.
7. Mingol lungsim khu a lei ah a um han miching lei khu alungsim ah a um hi.

8. Khristian khup a ding a dilsu a thumna nei in Philosopher (mipil) kenga ding sangin sil a musau zaw tangtawn hinna a muphah zieh in
9. Aman noute ang nahsah ngai a tuaziehin na lungkhamna zousie alung a ngam
10. Mihing in Pasian a pat silpieh a don bang zel in Pasian silthawn pieh kem theite hi un.
11. Amal mal a Pasian guoljolna na sut thei masang sie in Pasian ah kipah tahtah thei sih va teh.
12. Taga meithai te lungsiet siem khu Pasian in sakhuo hing len siengthou achi hi.
13. Patepna thuoh a mi ginum zing khu mi hampaha ahi.
14. Jesu mun bawl tunna ding in, Ginna kuong a kitawl angai hi.
15. Koi in zong Khrist thuhil khu aagintat sia lung

tunii dong in abanban in kishi den hi. Mihingte khun i shi ding uh i thei sih a, kim khatte nausen ihilai in, pawl khatte khanglai, pawlkhatte nupila/papila, pawlkhatte teh shi hi. Tam thu ka ngaisut lai in sing nuoi khat ah ka um a, hui halan pia hing lang in ka um na sing kung khu ang mut gawp a, singte khu aban ban in ang mut khie a, pawl khatte akau san, pawlkhatte atehiing, pawl khatte atedawngte, khenkhatte atengehlai mama te khu mutkhe zungzung hi.

Singte hing kieh dan thu ka gellai in, huntengin shina huiin mihingte ang muut zing in, nausen, khanglai, nupila/papila, piteh/puteh, ahichia khentuom nanei lou in tam shina huipiin ang mut zing ahi, chi kangai sut hi. Ahivangin, eite pen ashi ding kahi chia, kingaisut khalou in, mizousie khatvei tei shi ding ihi chia i kithei vang un, ei tung a hing tung ding chi i lunggel kha ngai sih uhi. Tampen setan hing bum na khat ahi. Mikhat ashi thei ka hi chia akiphawh tah-tah leh Pasian kung zuonin a hagau tawldamna ngading hi. Psalm

gieltu in, “mi leivui nasuoh sa a, mihingte aw nuo pei un,” na chi hi (Psalm 90:3). Mihingte khu idam sung tawmkhat pen sawtpi kidam zou lou hi. Psalm gieltu ma in “ Koute dam sung khu kum sawmsagi bang ahi, hatnajal in kum sawmgiet bang hithei hi”, Ahivang in, sepgimna leh lungjiin lungkhamna zieh ahi achi hi (Psalm 90:10).

I dam sung pen ngaisut talei asawt bah vang in sawt vawt lou hi. I damsung pet a, i kumtawn hinkhuo ding eima leh eima kipatep ding in Pasian in ang dei hi. Mi tampi te’n i hinkhuo tom lam tuot khalou in lei tung sil ngentang i awlmaw in nasep in i nei uhi. Tam leitung naa te pen i kumtawn uh inn ding ah kikeng thei lou ding ahi man in, i shi nua chieng a i zah na ding um lou i hagau shi pen ahin theina ding itahsa pumpi a damlai pet in i hin thei na ding a shipa Jesu lam en in limsah vai.

Thuzawna, mizousie khat vei shi in tuazou chieng a Pasian thukhen thuoh ding ihiman in (Heb.9:27). I shinua chieng a thukhenna thuoh ding in Pasian mizousie tung a thu kenzou

ahiman in, koimasanta suohta lou ding ihi uhi. Ahivang in isuohtat theina ding khu Pasian ma in hing bawl sa in, khelna zieh a hagau a shite a tapa Jesu toh shi khawm sah a, tammi

khu gingta a, pomte khu hagau a siemtha hing hi in thukhenna toh kipelta hi. Unau iit sanggam aw, kisiempaha inlen Mangpa Jesu na Mang leh na Hundampa ding in ki neitanaw in.

"BelamPu"

- Khupchinthang

Zomi Colony, Central Church

Luke 2:8-16 i et chiengin, Mangpa Jesu hing pien hun lai in, Van a, Vansawltah ten, Belampute kung ah thu a vatut te uh angai poimaw mama ua, Bethlehem ah gan annkuong a naungeh khu mu teitei sawm in ava mu ta uhi. Belampute kukal dan leh thudih dan igen nuom pen uh ahi.

Thuhun Lui lai hun in, Belam te gam tuomtuom Muslim gam ah akhoi nasa mama uhi. I pu uh Abraham te bang David (leng) sangin gam thununggam siengthou ahiziehin Pasian ah Maitam bawl nan zong azah pen uh ahi hi. Lai siengthou ah mi khat in Belam 100 nei henla alah a khat (1) mansuo taleh sawmkuo leh kuo te nuasie in khat pen asui in asui ding

chi Jesun tekhnin thute ah ana gen ta mal hi. Khat khu sui sih ta mawh leh Belampu Belamte it lou asuoh din hi. Nidang lai Belampu ten a belamte uh a it mama ziehun tulai New Testament hun ah zong mi te Belampu ding pawl chin Mission chin in i siem sausau ua Mission kim khat phiel bang Hattuum khat sung papi um tengteng phiel hattuum Upa in a pang sah moh uhi. I Timothy 3:1-13, adang dang te a bang sim lei Belampu/Upa ichi te Bible a kimudan in peipi ta lei hichi lawmlawm in Khristian te gilou sih vai chi ka puong ngam hi. Lai siengthou sim hat lei hoilou di ama, Unau Mizo te Laite a ka sim khah khat M.N.F hat lai in tangval kum 25 mi khat Pasian ah

Pasian siengthou masang ah Ganta siengthou te in akithoi uhi. Hinanleh ei Khristiante Pasian masang a i kithoidan uh a danglam hi. Sahkhuo dangten amaute thakhel in sil khat kithoina in a zang ua, ei Khristian te pen ahileh eima ngei Pasian masang ah i kilan uhi. Eima Pasian mai a ki lat utlou pen Pasian in apawl tahtah theisih hi. Tuaziehin A ma Biehna ah khun hinkhuo pumlum i kilat chiengin i Pasian Biehna lungsim laili pen khu

Pasian in aluo hi.

Atung a i Pasian Bieh dan umzieh igen zouta a, Pasian i bieh dante entha in, A ma zatatna, zauna leh kipahtah a pahtawina lungsim leh lungtang ipawh tahtah nai chi i kikhuol phat uh poimaw kasa hi.

"Pasian khu hagau ahia, abe miten ha leh chitah a abieh ding uh ahi. Johan 4:24 achi nate ngaituo pha in na Pasian bieh dan ah na lung akim huntah nasa nai?"

Silpieh thu a houlimna

Kum bangzat ahiei khat Pasian gam nasepna mimal list i na bawl uh apha tuom mama hi. Kituptah a bawl zel ding ahoi hi.

I Synod sung leh Presbytery sung a Upa muonhuoi mama khenkhat te Sawm-a-khat pieh dan i et chiengin a ki theizou sih hi. Sawm-a-khat adiei ngaptoh adiei Pu. Editor nang hil thei diei ma? Mimal list pen lamkai ching leh chinglou suichienna ahi. X-Ray ahi a endoscopy ahia, Altrasound leh CT.Scan bang ahi. Jacob lai hah a nasep panglou ginna hi ashi ahi achi hi.

Bang teng hileh alien aneu in halawh Pay umdan Grade I, Grade II, Grade III, Grade IV leh Pension te i thei chiet uhi. Aipi asawi vah leh anoute sawi vah, Sakhi api asan leh anou te san chi thei vai igamsung i minam i hattuum pawlpi a khantheina dia igen ahia, Mimal kidem na ahi sih hi.

A sang siem lou i um khah leh Pasian min in kingai siem vai.

Pa Chinsuanthang
LCC, Secretary
Lamka Dist. H/Q Church
ZPCS

a genzaw guollou ahizieh a kun ahi” Pasion loupizieh theina in abetu hinkhuo ah Pasion zatatna leh zauna a umсах ngal hi. Psalm gieltu in. “Mangpa kung ah a min thupi khu pie ulen, asienthouna ki lawmna toh Mangpa bieh umlen, leitung pumpi a masang ah chi tun un ana chi hi (96:8,9).

b) Pasion bieh khu ama tawisangna ahi: Gingu in hun peisa a Pasion in ei ama a dinga asilbawl piehte, abawlsah zel dingte ban ah akung a umzel a chiem thute a thei chien zal in amin khu sangpen pen in a tawisang nuom hi.

Pasion khu itawisang zieh a loupie dieh ahituon sih a, ahin aloupinazieh leh asilbawltheina te zal in a min tawisang lou thei lou ihi zaw hi. Ei a dingin sil loupitah ei bawlsah a, tuami sankia na ding in ama pahtawi leh tawisang khu i bat ahi hi. Tuaziehin Pasion i bieh khu ibawl hoi ahidieh sih a, eima kiletsahpi ding zong ahi sih a, i bawl ding lawm i bawlo ahizaw hi. Pasion i bieh lou leh i bawl ding bawl lou, Pasion zatatlou i suoh hi.

c) Pasion bieh khu A ma toh kipawl na ahi: Pasion khu mihing te chilou a ki pawl pi thei dang silsiemte lah a um sih hi. Sil zousie asiem buchingin a en a hoi asa hi. Hinanleh A ma bang a kipawlpi thei a mu sih a, tuachin Adam asiem a tuachin ninem lam chiengin a va vezel hi. Gen. 3:8. Adam in zong nuom asah a, Pasion in zong nuom asa hi. Ama bou Adam ama chauh a aum chieng a alungleng dan Pasion in a thei a, tuachin a kithuopi dingin numei apie a, nanleh Adam in a shipi ta hi. Pasion khu kipawlpi ngaina ahizieh in Adam leh evi te khelna a apuopen apona mama hi.

Mimal chin a Pasion toh kimutuona khu ama be ding a mimal in Biehbu, Biehinn izot khu ahi, Mimal in Pasion toh i kipawl theilou lai in Biehinn a alom a ibieh khom a amin iphat khawm na khu eima hatsemna ding leh i ki hamuon tuotheina umsun ahi.

d) Pasion bieh khu kithoina (Sacrifice) ahi: Sah khuo chin ah kithoina a um chiet a Thuhun Lui ah zong Judaten

hat mama khat a um a, Biehinn dah te sat in Devotion te ah thum zing in Sepoy te vuoh leh jep te thuoh nanleh Pasion muongin pan la in Kum 25 tangval laitah in Upa Ordinatin aching a, ama pa Class VII tan bep ahia, Class X te bang Private in Execue ni fail nan leh bol zel in a passed khong a, Bible te bang Jorhat ah azil a passed a, atop ah Pastor te bang kaitou in Upa apat in Pastor thugentu in apang tou a a innsung te bang asiem hoi mama chi ka sim kha hi.

Zou Synod imu tung lai in Executive Secretary Rev. Hangpi Manlun in Sawm-a-khat mimal list ahing patdoh pen tuchieng a ka ngaitua chiengin Upa Ordain-te Pasion a kimu dohna ding a hing kibawl ade aw chi tulai a ka ngaituo pen ahia, Zou Synod kimu ta sawm-a-khat mimal list zong ki bawl ta, isil piehte ua kipat in Pasion a kipah diei? Setan kipah zaw lou dih ama? iginchil lai sang un i hundamna ni ding anai ta ngal a chi Bible a i mu isim doh ngal ua Synod kimuta hundam na ni gam la deudeu Setan lam nai deudeu mawh ve hai aw? Synod ten lah Upate ingai sang mama ngal ua; i shi nua chieng a Upa galna te dei maimai leh i muoltung Upa

kigiel te dei maimai zieh a Upa ut ahi leh vang Setan Upa i shi nung chieng a tung ding ihi, Upa leh Govt. Service thua ngal a Pay Salaries te bang alaw/pay te uh amu ding zat uh ki thei ngal a Sawm-a-khat Mimal list a ka mu chiang in lamdang kasa hi. Ginna khu nasep pang louin ashi ahi chi khu i thei ding a poimaw khat ahi hi. Pasion a sil piehte khu i pieh zaw leh ilungsim anop mama chi thei vai, Z.C.B.C Upa khat amin vang genda vai JB/Headmaster ahia na law/pay bang zat ahiei chi aka doh leh Rs. 30,000/- ava hi achia, Pay alah zaw chieng in inlam adel pai a, inn ah azi toh toukhawmin Sawm-a-khat ding ako i khe masapen a adang zah na ding bangtah in a zang zel uh chi thu ka thei in ka kipahpi mama hi. Leng David khu nautum pen Belam ching belam pu ahia, Leng ding a Pasion in a tel lai in a Upa/amilai pa Pasion kung ah a dong a Samuel hilou hilou achia Leng David ahi phet in tampa hi ei, Sathau nil aw a chi hi. Apa Belamte enkol zou mi thudih Pasion zau mi ahi ziehin leng a tel ahi chi sim kha chiet ding un ka gingta hi. Zou Synod in mimal list asiam ua, i mimal list in ahing koh chiet a kivel chien tha lei Pasion min in iki chiel uhi.

Friends Missionary Prayer band, North East Staff
Leaders' Meeting report

FMPB North East Staff Leader mobilization Seminar 2011, April 7, 2011, zingkal dah 8:00-9:00sung Donbosco Institute, Khaighluli, Guwahati a um in lawhching tah a zawh ahi. Tuami hun ah Lamka apat lamkai 13, Imphal apat 9 kava pang thei uhi.

Tam Seminar hi Tawiwaw Hattuumte hing sponsored ahi. Seminar lamkai leh ziltute tamte ahi uhi. Rev. John Paul, Rev. Ruth Ko, Rev. David Ko leh Rev. D. Simon Pooniah, Secretary India, Chennai apat ahi uhi. Rev. Simon Pooniah lousiah Taiwan akipan ngen ahi uhi.

Tam hun ah vaihawmni nitahlam dah 3:00 apat in nei ahia, anuo i a thute kituohtah a thukim ahi:

1. Rev. Helen Singsit in Wycliff Bible International toh semkhawm dingin kum ni tan deputan in apei ding. Amoh umlou sung Promotional Secretary (NE) mawhpouhna Hecto Choppy, tu-le-tu a Promotional Secretary, FMPB Dimapur in a tuhkhawm ding hi.
2. Miss Donzachiin in Arunachal Field apansan in a sem ding.
3. Mr. Tongkholun Kipgen leh azi Mrs. lalnunmawite Jharkhand Children Home apan Meghalaya ah, Helen Singsit Office pansan in na asem ding uhi.

FMPB North AEast India in 2010-2011 sung sum muna report a bawlungzuiin sum mu ding bikhie Rs. 38,67,541:00 mu a, Rs. 5,40,541:00 in budget khel hi. Kum 2011-2012 sung mu mu ding 20% a pungsah in Rs. 41,09,150:00 bikhie ahi.

Kum 2010-2011 sung a Churachandpur a kipan musuoh Rs. 14,87,764 ahi a, aval a kimu Rs., 9,37,764 a pha hi. Churachandpur simtello in Manipur pumpi in 2010-2011 sung a sum mu Rs. 5,65,423 apha hi. Kumtha a Churachandpur in amu suoh ding a bikhiah Rs. 17,85,317 ahi a, Manipur musuoh ding Rs. 6,78,508 ahi.

Tam atung a thupuhsah te April 7, 2011 apat zahpat ding in kituohtah a thukim ahi.

Report petu:

FMPB
Post Box-88, Zion Street
New Bazar, Churachandpur.

(Upa K. Songkhotuon)
Hony. Promotional Secretary
FMPB, Churachandpur

Pasian Bieh umzieh

- Rev. P.C. Manga
Executive Secretary, ZPCS

Mangkam a 'Worship' chi khu eima Zou ham in 'Bieh' ahilou leh chibai buh chi ahia, Tami thumal khu Thuhunlui ah 112 vei zah ahia, Hebrew ham a aman nem/tampen uh Lishtahaweh ahia; tuakhu- Eima kisuoniem china ahia, tami khu mun 86 veitah zah ahi. Hebrew hamzah kia khat ahi leh Yare tuakhu 'Zatat' or 'Zau' china ahi kia hi.

Aramaic ham ah Pasian bieh genna thumal Seghodh ahia, tuakhu zatatna ahilou leh Pahtawi silpie pieh china ahi kia hi. Thuhun Tha hun ah Greek ham in Proskuneo tuakhu vaihawmtu ahilou leh Pasian ma a kun china hi kia hi. Tami thumal khu 52 vei Thuhun Tha ah zah ahi hi.

Tam atung a ham dangdang te umzieh apat in Pasian bieh umzieh i

thei ta ua, siemtu ;Pasian masang a kun chite, zatat leh zauthong tah a um chite a koh thei suoh uhi. Pasian ibieh chieng a kingainiem tah a, zatat leh zaukawm a um bang a i mel alat angai china ahi. Tuabang ahilai a lungsim kipah mel leh taimel puo a i kilat zong a poimaw hi. Mihing ten Pasian abieh ding uh khu Pasian hingsiem san poimaw te lah a khat ahia, ama i bieh ding khu ibat lientah ahi.

Pasian i biehna azieh te tamte ahi:

a) Pasian bieh khu Pasian loupi zieh theina ahi: Pasian bieh khu i bieh Pasian thupi zieh, loupi zieh a tungnun bihzieh puondohna ahi i chi thei hi. Mihing in Pasian loupi dan a thei a, ahina giltah leh thuhtah a athei leh amasang a akun lou thei lou ahi. RWF Wootton hichin achi hi. "Pasian bieh khu siemtu zatathuoina a thu

(ဝိက-သု-နိဒ္ဒါ-နိဒ္ဒါ)

Editor: REV. STEPHEN CHINZATHANG

Please return to:

Khristian Tangkou

ZPCS Office, Zomi Colony

Churachandpur - 795 128

P.O. Box - 48, Manipur, India
e-mail:zpcs@rediffmail.com

[illegible]

Edited and Published by the Editor on behalf of the Zou Presbyterian Church Synod

Khristian Tangkou

Vol. No. 37 || Issue No.05 & 06 || May & June,2011

Editorial Board

Editor	: Rev. Stephen Chinzathang
Joint Editor	: Rev. P.C.Manga
Cir. Manager	: Mr. Jamsianmung
Bus. Manager	: Rev. Kamkhosoi
Cont. Editors	: Upa S.K. Khama Rev. Awnkhankhup Rev. Lamsuanthang Rev. Langzathang

ZOU SYNOD ULIENTE

- Moderator:
Rev. Lamsuanthang
- Moderator Elect:
Rev. Tualzachin
- Secretary Sr.:
Upa Tualkhanpau
- Secretary Jr.:
Upa Nengchinkap
- Treasurer:
Upa M. Kamzadou
- Statistician:
Upa T. Lamkhothang
- Exe. Secretaries:
Rev. Stephen Chinzathang
Rev. P.C. Manga

Copies - 1000

AMAN

Kumkhat ah	- ₣	40/-
Post ah	- ₣	50/-
Copy khat ah	- ₣	3/-
Life Member Fee	- ₣	600/-
Patron Member Fee	- ₣	1000/-
Memorial gift	- ₣	1500/-

A sung thu

• Editorial	01
• Thu Tuomtuom.....	02
• Khanglai leh Koppi suidan	03
• Shina	08
• Belam Pu	10
• FMPB Meeting Report.....	12
• Pasian Bieh umzieh	13
• Silpieh thu a houlimna	15
• Thu kigen ngaito kham ching	16
• Kipah thu genna	18
ZPWF Column	19
One Day Seminar with Dr. Chindoukham	20
ZPYF Column.....	23

Thusuo zosie Editor leh Zou Synod ngaidan ahi kimsih a, a suotute'n maw a kipuoh chiet ding uhi.

Thusuo dingte Editor kung a pieh ding ahi.

PATRON MEMBER-TE

1. Upa Gouzamang	2. Pu Hav. Khamchinkhup	3. Pu Khamzalam	4. (L) Pu Chinzasuan
5. Upa Liansuanpau	6. Pu Khamchinthang	7. Pu S.Dalthang	8. Upa Kapkhanthang
9. Upa Langginmang	10. Pu S. Nangkhanlal	11. Pu S. Lamkhothang	12. Upa Dr. M. Lachinkhai
13. Upa Khamchinjam	14. Upa (L) D.K.Manlun	15. Upa Suankhanmang	16. (L) Upa Khupgou
17. Upa Chinkham	18. Upa Ngulchinkham	19. Rev. V.Vungzalian	20. Rev. Kamkhosoi
21. Rev. Tualzachin	22. Rev. H. Nengzatun	23. Rev. Awnkhankhup	24. Rev. Hangpi Manlun
25. Pu Tuanzapau	26. (L) Rev. Ginchinjam	27. (L) Rev. Khamzasuan	28. Upa T. Lamkhothawng
29. Pu Khaichinmang	30. Rev. Chinzathang	31. Pu Khupkhanmang	32. Pu Khaidohlian
33. Hav. Khamzahang	34. Pi Vungzanuam	35. Pu T. Gouzadou	36. Pu Liensuonkap
37. Pi Zelkhochiin	38. Pi Hatkhanvung	39. (L) Pi Ngaihoiching	40. Pi Mankhannieg
41. Pu Goukhanmang	42. Pi Chingzalam	43. Pu S. Thianzakhai	44. Pi Kamkhanching
45. Pu Haukhanpau	46. Pu Tuallianmang	47. (L) Pu Dongkap	48. (L) Pi Chingkhanmang
49. Nu Donkhonian	50. Upa Henzakhup	51. (L) Pu Saichinpau	52. Pu Goumang
53. Upa Khamkhanhang	54. Shie Laangkhanlal	55. Pu Khamkhanlun	56. Upa L. Tualkhanpau
57. Pu Jamsianmung	58. Upa Ginzadong	59. Pu Kaizathang	60. Pi Goizanuom
61. Pi Thangneivah	62. Shie Khamzathang	63. Pi Donchin	64. Upa Liankhanmang
65. Pu Hauchinlun	66. Pu T.S. Lal	67. Pi Goichiin	68. Pu T. Khupchinthang
69. Pu T. Kaizalam	70. Pu Paul Henkholal	71. (L) Pu Soikham	72. Rev. P.C. Manga
73. Rev. T. Khamchinkhai	74. Rev. Jamlianpau	75. Rev. Chinzapau	76. Rev. Kamkhozam
77. (L) Upa Chinpu	78. Pu Zamkhanthang	79. Pu Chinglen	80. Miss Chinhaunieng
81. Upa P.K. Soia	82. Pu Goukhai	83. Pi Niangkhanmang	84. Evan. G.L. Joshya
85. Upa C.S. Pau	86. Upa Nengchinkap	87. Upa Pauchinlian	88. Upa T.C. Pau
89. Upa Khaihenthang	90. Pu Thongkholian	91. Mrs. Vahkholhing	92. (L) Upa Jamkhongam
93. Pu Jamgenthang	94. Pu T. Kuppa	95. Upa T. Gougin	96. Pu Ginsuanhau
97. Pu Thanghaupau	98. Rev. David K.Samte	99. Upa T.S.K. Samte	100. Upa S.K. Khama
101. Pu Jamkhopao	102. Pu Thatang Taithul	103. Pa Kamkhankap	104. Bhim Prasad
105. Rev. M.Kapsuanthang	106. Rev. Khupkhansuan	107. Nu Chingneikim	108. Pa L. Langminthang
109. Nu Chinnu	110. Pu Hauliankap	111. Nh. Deborah Zou	112. Pu Kamgenpau
113. Rev. Mangsuanthang	114. Pu Lamchinhou		

LIFE MEMBER-TE

01. (L) Upa T. Khupkhenpau	02. (L) Pu M. Ginzahau	03. Pu Selzapau
04. Pu L.C. Pautungnung	05. (L) Pi Khamkhannieng	06. Pi Ngaiunuom
07. Pu Chinsuanthang	08. Pu Shanti Kumar	09. Pu Kamkhohau
10. (L) Pu Khamkhohau	11. Upa Khamzathang	12. Upa Chinkhanthang
13. Pu Tongzathang	14. Chiinneilam	15. Pu Kulthang